

Na osnovu člana 32. Zakona o javnim nabavkama Bosne i Hercegovine („Službeni glasnik BiH“, broj: 39/14) i pravosnažne Odluke o dodjeli ugovora, br. 12-62-7/18 od 20.04.2018. god., a nakon provedenog ponovljenog otvorenog postupka javne nabavke za kontinuiranu nabavku sanitetskog i medicinskog materijala za potrebe KJU „Gerontološki centar“ Sarajevo, dana 04.05.2018. godine u Sarajevu, zaključuje se:

## **OKVIRNI SPORAZUM ZA NABAVKU SANITETSKOG I MEDICINSKOG MATERIJALA**

Između:

- 1. KANTONALNA JAVNA USTANOVA „GERONTOLOŠKI CENTAR“ SARAJEVO, ul. Aleja Bosne srebrene br.7., Sarajevo**, registrovan kod Kantonalnog suda u Sarajevu pod brojem UF/I-2260/97 od 15.08.1997.god. i Općinskog suda u Sarajevu Rješ. Br. 065-0-Reg-07-000174 od 25.06.2007.god., identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)

i

- 2. PZU APOTEKA „VITAPHARM“ iz Ilidže, ul. Barska br. 40-42., matični broj subjekta upisa 65-05-0027-16, identifikacijski broj kod Porezne uprave FBiH Kantonalni ured Sarajevo 4202255640000, identifikacijski broj obveznika PDV 202255640000, koga zastupa Direktorica Hošić Merima (u daljem tekstu: Dobavljač)**

### **Član 1.**

Ovim Okvirnim sporazumom ugovorne strane su se sporazumjele da će Dobavljač tokom cijelog ugovorenog perioda kontinuirano snabdijevati Ugovornog organa **sanitetskim i medicinskim materijalom**.

Okvirni sporazum se zaključuje na osnovu provedenog postupka javne nabavke objavljenog na portalu javnih nabavki broj: 897-1-1-7-3-3/18 dana 11.01.2018. godine i pravosnažne Odluke o izboru ponuđača, broj: 12-62-7/18 od 20.04.2018.godine.

Sastavni dio ovog Okvirnog sporazuma je prihvaćena Ponuda Dobavljača br. 02/2018 od 01.02.2018. godine, sačinjena prema specifikaciji iz tenderske dokumentacije Ugovornog organa.

### **Član 2.**

Ovaj Okvirni sporazum se zaključuje **na period od 3 (tri) godine**, a najkasnije do finansijskog ispunjenja i izbora novog dobavljača.

**U skladu sa Ponudom Dobavljača maksimalna vrijednost ovog Okvirnog sporazuma iznosi 61.294,95 KM, bez uključenog PDV-a.**

Maksimalna vrijednost ovog Okvirnog sporazuma bazirana je na maksimalnoj okvirnoj količini sanitetskog i medicinskog materijala, koja se planira nabaviti u toku trajanja okvirnog sporazuma. Ukupna količina i ukupna vrijednost ugovora za ugovoreni period se ne može precizno utvrditi i planirati i zavisi od nastalih potreba Ugovornog organa u toku ugovorenog perioda.

Imajući u vidu da su potrebe za sanitetskim i medicinskim materijalom u ovoj ustanovi varijabilna kategorija, koja zavisi od strukture korisnika usluga, iste su specificirane prema dosadašnjim potrebama korisnika usluga,



Zbog čega su ugovorne strane saglasne da se može izvršiti nabavka i drugog sanitetskog i medicinskog materijala koji nije naveden u specifikaciji, koja je sastavni dio ovog Ugovora.  
Dobavljač se obavezuje na nepromjenljivost ponuđenih cijena tokom cijelog ugovorenog perioda.

Ugovorni organ zadržava pravo potpune ili djelimične realizacije nabavke po Tenderskoj dokumentaciji, a u skladu sa Zakonom o javnim nabavkama Bosne i Hercegovine.

### Član 3.

U toku primjene ovog Okvirnog sporazuma ugovorne strane će zaključivati jednogodišnje periodične ugovore, kojima će se detaljno regulisati prava i obaveze ugovornih strana.

Pri zaključivanju periodičnih ugovora ne mogu se mijenjati bitni uslovi iz ovog Okvirnog sporazuma.

U okviru ugovorenog perioda za pojedinačne nabavke sanitetskog i medicinskog materijala neće se primjenjivati odredbe propisa kojima se uređuje postupak javnih nabavki.

### Član 4.

Ugovorne strane su saglasne da se roba isporučuje sukcesivno, prema nastalim potrebama Ugovornog organa, na osnovu pojedinačnih narudžbi.

Narudžba robe će se vršiti prema potrebama Ugovornog organa, i to radnim danima od ponedjeljka do petka, do 10:00 sati ujutro, na osnovu pismene narudžbenice koja će se dostavljati dobavljaču prije isporuke robe, uz obavezne podatke o količini i vrsti robe.

Rok za isporuku robe je najkasnije 2 (dva) dana od dana prijema narudžbe, i to do 10:00 sati ujutro.

Ugovorne strane su saglasne da se isporuka vrši vozilima Dobavljača, na adresu Ugovornog organa, te da se prilikom isporuke i prijema izvrši zajednički pregled dostavljenih roba.

### Član 5.

Osnov za plaćanje nabavljenog sanitetskog i medicinskog materijala jesu fakture/računi koje Dobavljač dostavlja Ugovornom organu za uredno izvršene nabavke, a na osnovu otpremnih dokumenata potpisanih od strane ovlaštenog lica Ugovornog organa i Dobavljača.

Ugovorni organ se obavezuje da će plaćanje vršiti zbirno mjesečno za svu robu isporučenu u toku jednog kalendarskog mjeseca, na osnovu ispostavljenih faktura-računa, i to u roku od 60 dana od dana prijema fakture.

### Član 6.

Dobavljač garantuje Ugovornom organu da u poslovanju sa sanitetskim i medicinskim materijalom u svemu postupa u skladu sa Zakonom o lijekovima i medicinskim sredstvima („Službeni glasnik BiH“ br. 58/08), a naročito da u skladu sa članom 111. ovog Zakona medicinska sredstva nabavlja samo od veletrgovaca medicinskih sredstava, odnosno proizvođača koji je upisan u važeći Registar veletrgovaca medicinskih sredstava u BiH, odnosno važeći Registar proizvođača medicinskih sredstava u BiH, te da će isporučivati samo onaj sanitetski i medicinski materijal za koji postoji dozvola za promet i koji su upisani u važeći Registar medicinskih sredstava.



#### Član 7.

Ugovorne strane su saglasne da se sanitetski i medicinski materijal isporučuje prema potrebama korisnika usluga, te da se može izvršiti nabavka i artikala iz predmetne nabavke koji nisu navedeni u specifikaciji Ugovornog organa i Ponudi Dobavljača, koja je sastavni dio ovog Okvirnog sporazuma, a za koje postoji dozvola za promet i koji su upisani u važeći Registar medicinskih sredstava, o čemu bi se ugovorne strane prethodno usaglasile.

Prijedlog za promjenu količine i vrste sanitetskog i medicinskog materijala, osim u hitnim situacijama, Ugovorni organ je obavezan dostaviti Dobavljaču u pismenoj formi, radi postizanja saglasnosti o cijenama istih. Po dostavljenom prijedlogu Dobavljač je obavezan izjasniti se u roku od 2 dana.

Ne postizanje dogovora u vezi sa eventualnim promjenama vrste i količine sanitetskog i medicinskog materijala i cijenama istih, predstavlja osnov za raskid ovog Okvirnog sporazuma.

#### Član 8.

Ugovorne strane su saglasne u pogledu uvjeta koje Dobavljač mora poštovati prilikom isporuke sanitetskog i medicinskog materijala:

- a) Dokumentacija – Svaka osoba koja sudjeluje u prevozu sanitetskog i medicinskog materijala mora kod sebe imati sanitarnu knjižicu koju na traženje odgovorne osobe za prijem mora dati na uvid;
- b) Prevozna sredstva – Vozilo kojim se vrši prevoz i isporuka sanitetskog i medicinskog materijala mora udovoljavati propisanim higijensko-sanitarnim uslovima, mora se vršiti redovna dezinfekcija, mora biti uvijek čisto.
- c) Sanitetski i medicinski materijal – Moraju biti u propisanoj i adekvatnoj namjenskoj ambalaži (transportnoj i pojedinačnoj). Uputstvo za upotrebu mora biti na jednom od službenih jezika koji su u upotrebi u BiH.

#### Član 9.

U slučaju isporuke sanitetskog i medicinskog materijala koji nije upisan u važeći Registar medicinskih sredstava ili u slučaju nabavke od proizvođača, odnosno veletrgovaca, koji nemaju dozvolu za proizvodnju, odnosno promet sanitetskog i medicinskog materijala i koji nisu upisani u važeći Registar veletrgovaca medicinskih sredstava u BiH, odnosno važeći Registar proizvođača medicinskih sredstava u BiH ili u slučaju da Ugovorni organ na bilo koji način sazna da Dobavljač krši odredbe iz člana 6. ovog Okvirnog sporazuma ili u slučajevima ponavljanja situacija iz stava 2. i 3. ovog člana, Ugovorni organ zadržava pravo da ovaj Okvirni sporazum raskine, uz prethodno pismeno upozorenje Dobavljaču na mogućnost raskida ugovora uz navedenje razloga za raskid.

U slučaju isporuke neodgovarajućeg sanitetskog i medicinskog materijala (koji nisu bili predmet narudžbe) ili isporuke neodgovarajuće količine, Ugovorni organ zadržava pravo da izvrši povrat robe i da zahtijeva odgovarajuću isporuku.

U slučaju povrata sanitetskog i medicinskog materijala od strane Ugovornog organa zbog razloga navedenih u stavu 2. ovog člana, Dobavljač se obavezuje da će najkasnije u roku od 2 sata otkloniti razloge zbog kojih je izvršen povrat predmetne robe i isporučiti potrebnu robu.

#### Član 10.

Kao preduslov za stupanje na snagu ovog Okvirnog sporazuma, Dobavljač će obezbijediti garanciju za uredno izvršenje ugovora u obliku безусловne bankarske garancije u iznosu od 3% od ukupne vrijednosti okvirnog



sporazuma, odnosno u iznosu od **1.838,85-KM**, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok zaključenja okvirnog sporazuma + 30 dana.

Rok važnosti garancije je 3 (tri) godine od obostranog potpisivanja Ugovora.

#### Član 11.

Garancija za uredno izvršenje ugovora, kao garancija Dobavljača za dobro izvršenje posla i razumnu nadoknadu štete koja može nastati u slučaju da Dobavljač prekrši zaključen i Okvirni sporazum i ugovor, realizuje se u slijedećim slučajevima:

- u slučaju raskida Okvirnog sporazuma i ugovora krivnjom Dobavljača zbog kršenja odredaba zaključenog Okvirnog sporazuma i ugovora, pod uslovom da je prethodno pismeno obaviješten o svakom propustu da postupi po Okvirnom sporazumu i ugovoru i da u ostavljenom roku nije izvršio ispravku takvih propusta;
- u slučaju otkazivanja Okvirnog sporazuma i ugovora od strane Dobavljača prije isteka roka na koji je isti zaključen, pod uslovom da razlog za otkaz nije nastupio kao posljedica kršenja odredaba Okvirnog sporazuma i ugovora od strane Ugovornog organa;
- u slučaju kada je zbog kršenja odredaba zaključenog Okvirnog sporazuma i ugovora od strane Dobavljača, za Ugovorni organ nastupila šteta i neplanirani troškovi, a ugovorne strane se usaglase da zaključen i Okvirni sporazum i ugovor i dalje ostanu na snazi, pod uslovom realizacije garancije na ime nastale štete i prouzrokovanih neplaniranih troškova.

Naplata garancije za uredno izvršenje ugovora vrši se u iznosu stvarno nastale štete i neplaniranih troškova za Ugovorni organ, nastalih u periodu važenja ovog Okvirnog sporazuma.

Garancija za uredno izvršenje ugovora realizuje se protekom roka od pet radnih dana od dana raskida, odnosno otkaza okvirnog sporazuma i ugovora, odnosno u roku od pet radnih dana od dana postizanja dogovora u slučajevima iz alineje 3. stav 1. ovog člana.

Ukoliko do isteka važnosti zaključenog Okvirnog sporazuma ne nastupi ni jedan navedeni razlog koji bi zahtijevao realizaciju garancije za uredno izvršenje ugovora, povrat sredstava garancije iz člana 10. stav 1. ovog Okvirnog sporazuma, vrši se u roku od pet radnih dana od dana prestanka važnosti Okvirnog sporazuma.

Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku koji je odredio ugovorni organ, zaključen i ugovor će se smatrati apsolutno ništavim. U tom slučaju ugovorni organ će ponuditi zaključivanje ugovora drugorangiranom ponuđaču.

#### Član 12.

Svi uslovi iz tenderske dokumentacije broj: 12-62-1/18 od 10.01.2018. godine i ponude Dobavljača br. 02/2018 od 01.02.2018. godine čine sastavni dio ovog Okvirnog sporazuma.

#### Član 13.

U svrhu izvršenja ovog Ugovora Dobavljač nema pravo zapošljavati lica koja su učestvovala u pripremi tenderske dokumentacije ili koja su učestvovala u svojstvu predsjednika ili člana komisije za javne nabavke, najmanje šest mjeseci po zaključenju istog.



Član 14.

Ugovorne strane se obavezuju na pridržavanje zakonskih propisa, čuvanje poslovne tajnosti i pridržavanje poslovnih običaja.

Član 15.

Odredbe ovog Okvirnog sporazuma ne mogu se mijenjati nakon njegovog zaključenja.

Član 16.

Ovaj Okvirni sporazum stupa na snagu danom potpisivanja obje ugovorne strane.

Član 17.

Eventualno nastale sporove pri realizaciji ovog okvirnog sporazuma, ugovorne strane će rješavati mirnim putem, u protivnom, ugovara se nadležnost Suda u Sarajevu.

Član 18.

Svaka od ugovornih strana može otkazati ovaj Okvirni sporazum, pismenim putem, uz otkazni rok od 30 (trideset) dana iz razloga propisanih ovim Okvirnim sporazumom i Zakonom o obligacionim odnosima.

Član 19.

Ovaj Okvirni sporazum je sačinjen u četiri /4/ istovjetna primjerka, od kojih svaka ugovorna strana zadržava po dva /2/ primjerka.

DOBAVLJAČ

U. Hošić

Broj: 29/2018

Datum: 04.05.2018



UGOVORNI ORGAN

Broj: 12-62-10/18

Datum: 04.05.2018. god